

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava Ministarstva za rad, socijalnu politiku i izbjeglice za 2018.godinu, broj: 02-14-3073/18 od 22.02.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 148. sjednici održanoj dana 22.06.2018. godine, d o n o s i

O D L U K U

o odobavanju sredstava za sufinansiranje infrastrukturnih projekata obnove u općinama, Žepče, Kakanj i Maglaj s ciljem potpore povratku

Član 1.

(Predmet)

(1) Odobravaju se sredstva u iznosu od 60.200,00 KM (slovima:šezdesethiljadaidvjestotine konvertibilnih maraka) kao učešće Zeničko-dobojskog kantona u sufinansiranju realizacije infrastrukturnih projekata obnove u općinama Žepče, Kakanj i Maglaj, s ciljem potpore povratku na područje ovih općina.

(2) Sredstva iz stava (1) ovog člana odobravaju se u iznosima kako slijedi:

a) Za općinu Žepče iznos od 39.000,00 KM za projekte:

- 1) Sanacija i asfaltiranje ulice Mala Trzna i Ćorin sokak,9.000,00 KM,
- 2) Sportsko rekreativno igralište MZ Preko- Sportski poligon MZ Preko..... 10.000,00 KM,
- 3) Asfaltiranje puta Gornji Vitlaci - Brijeg u MZ Vitlaci,15.500,00 KM,
- 4) Uređenje povratničkih naselja i sanacija lokalnog puta za Mehiće MZ Zenički put "Radi i povratničku zajednicu gradi"5.000,00 KM,

b) Za općinu Kakanj iznos od 15.200,00 KM za projekat:

- 1) Sanacija puta Grebci- Šeperci- u MZ Poljani.....15.200,00 KM.

c) Za općinu Maglaj iznos od 6.000,00 KM za projekte:

- 1) Utopljanje zgrade Društveni dom Kosova, MZ Kosova..... 6.000,00 KM.

Član 2.

(Analitička konta)

Sredstva za realizaciju infrastrukturnih projekata obnove u općinama Žepče, Kakanj i Maglaj iz člana 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“ na način definisan Sporazumom o udruživanju sredstava za realizaciju infrastrukturnih projekata obnove na području Zeničko-dobojskog kantona, koji čini sastavni dio ove odluke.

Član 3.

(Uplata sredstava)

(1) Doznaka odobrenih finansijskih sredstava vršiti će se na račun izvođača radova, odabranih nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“ broj:39/14), koju će provoditi Federalno ministarstvo raseljenih osoba i izbjeglica, kao nosilac projekata.

(2) Ugovori o izvođenju radova na projektima iz člana 1. stav (2) ove odluke potpisati će se između sufinansijera na realizaciji ovih projekata: Federalnog ministarstva raseljenih osoba i izbjeglica kao nosioca projekata, Ministarstva za rad, socijalnu politiku i izbjeglice Zeničko-dobojskog kantona i Općina Žepče, Kakanj i MZ Kosova sa odabranim izvođačima radova.

Član 4.
(Ovlaštenje i provođenje Odluke)

(1) Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpiše Sporazum o udruživanju sredstava za realizaciju infrastrukturnih projekata obnove na području Zeničko-dobojskog kantona, kao i ugovore o izvođenju radova na projektima iz člana 1. stav (2) ove odluke.

(2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.
(Izvještavanje)

Federalno ministarstvo raseljenih osoba i izbjeglica, kao nosilac projekata, će koordinirati sa Ministarstvom za rad, socijalnu politiku i izbjeglice Zeničko-dobojskog kantona s ciljem praćenja i izvještavanja o stepenu implementacije projekata.

Član 6.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona”.

Broj: 02-14-10404/18.

Datum 22.06.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica (putem ministarstva),

1x Općine Žepče, Kakanj i Maglaj (putem ministarstva),

1x “Službene novine Zeničko-Dobojskog kantona”,

1x a/a.